



MEMORIA XUSTIFICATIVA DO CONVENIO ENTRE O ENTE PUBLICO PORTOS DE GALICIA E O CONCELLO DE MARÍN PARA A EXPLOTACIÓN DE INMOBLE NO PORTO DE AGUETE

A entidade Pública Portos de Galicia dependente da Conselleria do Medio Rural e do Mar-Xunta de Galicia, segundo o artigo 2 da súa lei de creación 5/1994, do 29 de novembro, ten por obxecto o proxecto, construción, conservación, mellora, ordenación, administración e explotación das obras, instalacións e servizos e actividades portuarias, así como a planificación das zonas de servizo e as futuras ampliacións.

No artigo 3.2 da antedita Lei 5/1994, dispónse que entre as súas funcións Portos de Galicia, asumirá o fomento da investigación e desenvolvemento tecnolóxico en materias relacionadas coa explotación portuaria e construción portuarias.

De acordo con estas funcións, a promoción a través da competitividade e calidade dos portos, procurando a busca de novos e potenciais usuarios dos seus servizos portuarios así como, rentabilizando os investimentos, pode reverter importantes beneficios tanto directos a través do uso das instalacións e servizos portuarios coa correspondente reversión de ingresos por taxas portuarias, como indirectos tales como o incremento da actividade turística na zona de localización do porto coa correspondente xeración da renda inducida, estimulando o fluxo de mercadorías e pasaxeiros nos portos.

Así mesmo, o ente público Portos de Galicia contempla, dentro dos seus obxectivos estratéxicos, favorecer a interrelación porto-cidade mediante acordos de colaboración coas diferentes administracións desenvolvendo a planificación urbanística que permita que os cidadáns vexan aos portos como entes xeradores de desenvolvemento nun ámbito compatible coa actividade cívica, polo que está así mesmo interesado no mantemento de dito paseo.

Dado que os espazos portuarios constitúen unha unidade funcional que desenvolve un proxecto unitario que supón unha zona de interconexión do porto co núcleo de poboación lindante, coa función engadida de servir de solución de continuidade entre a poboación e o porto permitindo o seu uso fundamentalmente aberto ao público e ao núcleo urbano, considérase conveniente que se asine un convenio de colaboración entre o ente público Portos de Galicia e o Concello de Marín para a adopción conxunta das referidas medidas.

O ente publico Portos de Galicia dispón no porto de Aguete dun inmoble que esta ubicado no porto.

O concello de Marín para o desenvolvemento de actividade de formación, educación e cultura, interesou a disposición do inmoble arriba referenciado, en beneficio da poboación concentrada no entorno do porto, o que suporá a mellora da funcionalidade do inmoble na interacción porto-cidade.



Considerando que na actualidade non se constata un uso mais prevalente portuariamente para este inmovible, estimase posible a realización deste convenio.

En definitiva, o presente convenio suporá un efecto positivo tanto para o propio porto, coma tamén para o seu contorno urbano inmediato

O obxecto do presente convenio consiste en establecer as bases de colaboración na disposición polo Concello de Marín do inmovible emprazado no porto de Aguate.

O presente convenio non supón aporte económico para Portos de Galicia.

Todo isto ao abeiro do Decreto 246/1992, de 30 de xullo, polo que se regulan determinadas condicións de execución de obras públicas en réxime de cooperación coas corporacións locais ou outros entes de dereito público.

Todas as circunstancias expresadas determinan, a xuízo deste órgano de xestión, que procede a sinatura do convenio de colaboración entre Portos de Galicia e o Concello de Marín.

Todo o anterior de conformidade coa Resolución do 8 de abril de 1991, pola que se fai publico o acordo do Consello da Xunta de Galicia, do 27 de marzo de 1991, sobre convenios de cooperación cos entes públicos e de colaboración cos particulares.

Santiago de Compostela,

O DIRECTOR

Jose Ignacio Villar García